

## Сказка Свинка



Срхкась тувонясь кемгафтува пурхцканзон мархта церянянь базару, ваны: каршезонза сай вьргаз, и сон корхтай тувоняти:

— Тувоня ялгай, ков молят?

— Молян церянянь базару.

— А монь сясмамак?

— Тоса-тоса ули пяк кели лотка, и сияне тон аф ётават.

— Тонь кемгафтува пурхцце, и то ётават, а мон шава прязень мархта ёфси ётаван.

— Аде, кда молят, — отвечась тувонясь. Мольсть, мольсть и ваныхть: каршезост сай саяня.

— Тувоня ялгай, ков молят ялгатнень мархта?

— Мольхтяма базару.

— А монь сясмамасть?

— Эх, тоса пяк оцю лотка ули, и тон сияне аф ётават.

— Тонь кемгафтува пурхцце, и то ётават, а мон шава прязень мархта ёфси ётаван.

— Ну, аде тонга.

Мольсть, мольсть и ваныхть: каршезост сай офта.

— Тувоня ялгай, ков молят ялгатнень мархта?

— Минь мольхтяма базару.

— А монь сясвамасть?

- Сяфтядязь, но аныцек ули пяк кели лотка, и тон турксканза аф ётават.

— Тонь кемгафтува пурхцце, и то ётават, а мон шава прязень мархта ёфси ётан.

Молихть и ваныхть: сай каршезост келазь.

— Тувоня ялгай, ков мольхтяда?

— Церянянь базару.

— А монь сясвамасть?

— Аде, но аныцек тоса-тоса ули пяк кели лотка, и тон вельфканза аф комотеват.

— Тонь кемгафтува пурхцце, и то ётават, а мон шава прязень мархта ёфси комотян.

Пачкодсть ся лоткть трвас, конань туркс эряви сембонди комотемс.

— Ну, врьгаз, комотть ина!

Потась, потась врьгазсь... Кодак комоти — и тусь алубрят лоткти.

— Тяни тон комотть, сява!

Потась, потась казась и кодак кармась комотема, сявок тусь врьгазть мельге.

Офтсь да келазь ёрасть ётамс, но сембе сяка алу ваясть.

— Тувонясь савор, савор ётась лоткть туркс и пачкодсь церянянь базару. Сон якась базарть келес, симондсь-ярхцсесь и мекивок ётась лоткть туркс куду.

— Офтсь лотка потмакста мусь нешке кудня, синнезе и кармась ярхцама медьта. Инголи изь ярхцав сяс, мес пяк ламоль мешта. Сявозе офтсь нешке куднять и колмоксть чёпафтозе ведти. Сявась кизефнесы офтть:

— Офта ялгай, мезьда ярхцат?

— Медьта.

— Минь андсамасть?

— Анттядязь.

Тусь офтсь лоткть кувалмова, аф ламос мольсь, тага фкя нешке кудня мусь.

— Вага тейнтъке кандонь медь.

Офтсь сязозе нешке куднять лангаксонц и ёрдазе бокти.

Кодак ёрдазе, лисендсть мешне и давай пупсемс сембонь: и келазнек, и врьгазнек, и казанек, и офтонек.

Няйсазь, аф тефт — и сембе комотность ведти, но ведьсовок нярьснон эса пупсесть мешне.

Кяжиясь офтсь, сязозе нешке куднять и пяхкодезе ведьта. Мешнень ламосна кулсесть. Сяда меле нешке куднять синнезе и андозень сембонь медьта.

Ярхцасть топодемс и кармасть шутендама.

Сяда меле мадсть сембе ваймама. Казанять удомац изь са. Сон варжаксть нешке куднять потмос, тоса нинге ули аф лама медня. Офтсь пях кемоста матодовсь. Сяванясь ламос арьсекшнесь, мезе ба тиёмс офтть мархта, но куроцста ашезь арьсев мезевок. Кргазе нешке куднять потмаксста потмаксста лядыкс медть и ушедсь офтть пулалонц вадендема. Мешне марязь медь шинеть и сембе цямбафтсть офтти. Комотсь удома вастста офтсь и кяжень пачк давай ялганзон эса сязендемс.

Сязендезень сембонь и съкамонза лядсь лоткть потмос.

Мультимедийная онлайн-библиотека

“Сказки Поволжья”

Иллюстрированные и озвученные сказки народов Поволжья.